



Gabinete Wever - Croes II

ISLA ((•)) NLINE

Diahuebs 3 Maart 2022

Email: IslaOnline@gobierno.aw Tel: 528-4952

NOTICIA DI GOBIERNO



20
22

AÑA DI
INVERSION Y
OPORTUNIDAD



BAN APOYA NOS LOCALNAN Y HUNTO CREA OPORTUNIDADNAN NOBO PA ARUBA

Arubiano ta hopi talentoso

Desde bishita di Secretario di Estado Alexandra van Huffelen na Aruba, algo cu a hala hopi atencion ta e escogencia di regalo cu Prome Minister Evelyn Wever - Croes a haci. Particularmente cu a opta pa articulonan traha na Aruba door di localnan y cu tin un bunita storia tras di nan.

Awor cu nos ta den un etapa cu mas y mas ta dirigi e atencion y enfoke riba apertura di pais, normalidad y recuperacion economico, por wak bek na e resiliencia di nos pais cu tin hopi di haber cu nos hendenan.

Productonan di cuida marca Ha'bon

Naline Heilbron ta splica cu Ha'bon ta un compania di productonan traha na man na Aruba door di personanan cu limitacion. 'Ha'bon Aruba, no ta produci unicamente habon. Como cu e demanda a cuminsa crece, e mercado tambe a crece y a cuminsa expande exitosamente den otro ramonan di cuida di cuero 'skin care', a base natural cu ingredientenan natural.'

Algun di e productonan aki ta encera e liña di cuida di cara cu ta inclui ingredientenan manera colageno, elastina y hyaluronic acid, crema pa curpa, y un liña pa hende homber cu ta inclui after shave y cuida di barba. Ademas, sra. Heilbron a splica cu e cahitanan tambe ta wordo traha door di personanan cu limitacion.

Sjaal di Gigiola Gomez

Diseñadora local Gigiola Gomez tambe a expresa cu como Arubiano e ta orguyoso di a haya e oportunidad pa a traves di Prome Minister, scohe un regalo pa Secretario di Estado van Huffelen. 'Arubianonan tin hopi talento y mester support esaki. Prome Minister sigur a haci un bon impresion.'

Sra. Gomez a sigui splica cu e inspiracion tras di sjaal escogi ta nos cultura. 'Mi a wordo inspira como cu Aruba ta trece hopi hende cerca, diferente nacionalidad cu ta trece desaroyo pa



nos pais. Mi ta kere nos hendenan ta nos personanan clave y mester sostene otro. Mi a inspira tambe no solamente pa hendenan, pero tambe e biento cu ta supla nos bandera nacional. E sjaal tin e print di colornan di nos bandera y e movimiento di biento cu ta trece tur hende hunto.'

Sra. Gomez a keda hopi contento cu Prome Minister ta considera nos Arubianonan pa trece algo asina dilanti, pa intruduci hendenan internacional articulonan tipico, autentico y cu tin un storia di conta di nos cultura. Tur Arubiano tincu uni y empodera otro pa nos por yega internacional. Pa esaki, colaboracion ta hopi importante', sra. Gomez a expresa.

Gabinete Wever - Croes II Ta promove y sostene nos localnan cu a pesar di tempo dificil a desplega pasion, determinacion, perseverancia y creatividad. Esaki ta dos ehempel di companianan y personanan local, pero ta aplaudi cada un persona cu ta tuma e curashi pa lanta un negoshi y crea algo riba nan mes cu ta representa Aruba y nos cultura.

GOBIERNO TA FELICITA UNIVERSIDAD DI ARUBA CU AWOR TA CONTA CU DOS PROFESOR NOBO



E siman aki Prome Minister Evelyn Wever - Croes tabatin e honor di ta na Universidad pa un discurso inaugural di dos profesor. E profesornan a dicidi di asumi e posicion aki pa yuda Aruba su Universidad sigui desaroya.

Prome Minister a expresa cu ambos profesor a duna discursonan inaugural sumamente interesante y aplicabel. Cu enfoka riba derecho publico, situacion di tereno, maneho di



gobierno y e libertad of e espacio cu gobierno tin den esakinan. Otro temanan sumamente importante y necesario pa papia di dje ta, medio ambiente y e transicion di energia y con esaki ta bay acopla cu e espacio di ley cu tin pa esaki.

Terminando Premier Wever - Croes a felicita Universidad di Aruba cu e expansion sumamente valioso pa Universidad di Aruba y studiantenan y ta desea nan hopi exito.

PROME MINISTER TA ALERTA PA ATAKENAN CIBERNETICO

Prome Minister Evelyn Wever-Croes ta alerta pueblo di Aruba en general pa ta cauteloso na momento cu ta haci uzo di internet den e dlanan aki. Prome Minister a remarca cu e situacion na Ukraina ta keda uno alarmante y nos mester keda alert ana tur momento.

“Manera cu a informa anteriormente, Gobierno y expertonan ta trahando duro pa ta prepara lo mas miho cu ta posibel pa cualkier eventualidad. Un tema cu mi a menciona caba ta Cybersecurity, Siguridad Cibernético. Nos ta escalando nos protocolnan cu e enfoka pa ta pro activo, pero ta importante pa enfatisa cu siguridad cibernético ta responsabilidad di nos tur. Sea alerta na tur momento, online, ora di uza Whatsapp, of Email, of mensahe SMS”, Prome Minister a enfatisa.

Prome Minister a indica cu e atakenan cibernético ta na un nivel mas halto cu nunca y e criminalnan cibernético tin hopi tactica nobo. Esaki ta pone cu nos mester ta mas atento y cauteloso.

“Ban hunto siña mas di con pa proteha nos mes, nos famia, nos trabou of negoshi, nos yiunan, y asina hunto nos por tambe

proteha nos pais di un atake cibernético. Sea alerta y sea sabi (cybersmart)”.

Prome Minister a duna di conoce cu na luna di April Gobierno lo cuminsa un campaña nacional di conscientisacion. Mientrastanto, Gobierno lo comparti tips y kico tur ciudadano por cuminsa haci pa protehe su mes den forma di “do’s and don’ts”.



3 maart dia mundial di Cuido di Oido

PROME MINISTER EVELYN WEVER-CROES: CUIDA BO OIDO, E TA CONECTA BO CU RESTO DI MUNDO



3 di maart ta “World Hearing Day”, e dia mundial cu nos ta para keto na cuida di oido y e importancia di oido. Prome Minister Evelyn Wever - Croes a enfatisa cu oido y cuida di oido, ta algo cu ta hopi cerca di su curason considerando cu el a eherce hopi trabou boluntario riba e tereno aki desde prome cu el a drenta politica.

Prome Minister Wever - Croes na e ocasion a inicia bisando: “Pami ta un honor awe hunto cu Minister di Salubridad Dangui Oduber pa ricibi e directiva di Quota International of Aruba. Nan a trece na nos atencion algun punto cu ta hopi importante, entre otro con por conscientisa hendenan pa cuida nan oido pero tambe nan e necesidad pa enfoca riba e aspecto di oido na pia di trabou (hendenan cu traha hopi ora cu zonidonan hopi halto).”

Premier a splica cu ora bo nace, bo ta nace cu mas di 1 miyon ‘haarcellen’ cu ta particularnan hopi chikito den bo horea. Pero na momento cu bo wordo exponi na zonidonan hopi fuerte of hopi largo, e haarcellen ey ta muri y no ta bin nunca mas. Esaki ta pone cu ora hende bira mas grandi e tin mas problema cu



oido cu ora e tabata mas jong.

Awendia nos muchanan ta wordo exponi na zonidonan hopi mas fuerte y otronan talbes no asina fuerte, pero hopi largo a traves di headphones cu nan ta pone na nan horea cu tambe por tin su efectonan negativo. Prome Minister a sigui bisa cu e ta hopi contento cu colega Minister Dangui Oduber a indica cu den su plan nacional di prevencion, e tin atencion pa esaki y a invita Quota pa ta parti di e plan aki.

Concluyendo Premier Wever - Croes su mensahe ta, ‘Ban para keto riba con importante nos oido ta. Nos oido ta conecta nos cu resto di mundo. Na momento cu bo no tin bo oido mas, bo no ta conecta. Bo ta wordo desconecta y hopi hende ta cay den isolacion. Awor ta momento cu nos por protege nos mes di e zonidonan hopi duro, of di zonidonan menos duro pero largo. Cuida bo oido paso esey ta locual bo mester pa conecta cu resto di mundo.’





MINISTER MADURO DI FINANSA A REUNI CU FITCH PA E EVALUACION FINANCIERO Y ECONOMICO DI ARUBA



Diamars Minister di Finansa a reuni cu e compania di rating Fitch cu den e dianan aki ta haci un evaluacion financiero y economico di Aruba pa por duna un bista na inversionista di e credibilidad financiero di nos Pais expresa den un rating. Durante e reunion a toca temanan manera supervision financiero y e cambionan huridico cu lo tuma lugar pa e introduccion di RAFT y COHO, Presupuesto 2022 y con lo financiero e deficit primera, e maneho di debe y e reforma fiscal.

Mester remarca cu mescos cu otro compania di rating cu ta evalua Aruba, Fitch tambe ta dedica hopi atencion na e relacion di Aruba cu Hulanda. No solamente pa e reformanan cu mester tuma lugar, pero tambe si tin disponibilidad di Hulanda pa yuda cu sosten di likidez den futuro si esaki ta necesario. E ultimo aki ta hopi importante ya cu Aruba tin debenan cu mester wordo refinancia y pa cual mester yudansa financiero di Hulanda pa por cumpli debidamente.

E resultado di e evaluacion di Fitch por wordo spera na comienso di april.





A ELABORA RIBA SIGURIDAD NA NOS FRONTERA



Diahuebs mainta, durante conferencia di prensa di Gobierno di Aruba, Minister di Husticia y Asuntonan Social Sr. Rocco Tjon a elabora mas tocante e cooperacion estrecho entre e diferente departamentonan, cu ta traha hunto pa loke ta trata seguridad na nos fronteranan. Algun dia atras a tuma nota di un intercepcion exitoso di un lancha cu 11 persona a bordo cu a haci intento pa drenta nos pais. E Mandatario a haci uso di e oportunidad aki pa por splica un poco mas tocante e parti di e “plan van aanpak grenz toezicht”, cual a wordo scribi conhuntamente cu y aproba pa Hulanda den cuadro di e “landenpakket”. Na November di aña pasa, Hulanda a aloca cuater miyon Euro pa e ehecucion di e plan aki.

Parti di e plan aki ta den ehecucion caba, mirando cu e cooperacion entre e diferente departamentonan a wordo intensifica. Adicionalmente, e radarkamer ta wordo ocupa 24/7, danki na e bon colaboracion entre e departamentonan cu ta pone nan personal disponibel pa cu esaki. E departamentonan encarga cu e parti aki ta Guarda nos Costa, Kustwacht y Cuerpo Policial. Otro aspecto cu tambe ta den pleno ehecucion ta e parti di e “surveillance team” cu actualmente ta patruyando nos costanan.

Den cuadro di e “plan van aanpak”, actualmente lo bay enfoca mas den e parti investigativo, caminda lo haci uso di fondonan disponibel, pa asina lanta un departamento multidisciplinario pa loke ta inteligencia y informacion. E departamento aki lo percura pa investiga henter e netwerk, pa saca afo si e persona

cu ta purba di drenta nos pais ta hayando cooperacion di un persona dentro di nos pais, pa asina por trata e situacion aki.

E departamento di “Menshandel en Mensensmokkel” di nos Cuerpo Policial lo bay wordo amplia pa e parti di conduci investigacion. Adicionalmente, e conexion entre e departamento menciona cu e departamento di Maritiem Politie ta di suma importancia, pa asina percura pa tin un miho proceso investigativo. Di e manera aki, ta haci cu e intento pa drenta nos pais ta un menos atractivo, pero tambe menos atractivo pa esnan cu ta yuda e personanan aki drenta nos isla na un forma ilegal.

Na banda di esaki, lo bay enfoca hopi mas riba e parti di e “bestuurlijke aanpak”, unda no solamente lo bay duna atencion na e parti “strafrechtelijk”, pero lo duna atencion tambe na e parti “bestuurlijk”. Esaki lo tin consecuencia, den forma di un multa mucho mas halto, pa esnan cu ta emplea personanan indocumenta, asina diferente compania a ricibi multanan caba, cu a yega te cu 75.000 Florin. Cada departamento concerni, a wordo notifica di e multa aki y lo reuni e luna aki pa intensiva e multanan mas aun.

Segun e Mandatario, actualmente ora ta trata di e prome infraccion, ta duna un advertencia prome, pero awo esaki ta bay cambia. Na e prome infraccion lo bay duna un boet cual lo ta uno mas halto cu loke e ta actualmente. Adicionalmente, lo bay actua mas fuerte y duna multanan mas halto na tur persona cu ta facilita e personanan indocumenta, den forma di estadia ilegal of cu ta brinda cualkier otro tipo di ayudo. Na momento cu e personanan aki wordo gara, lo pasa tur e gastonan cu tin di haber cu e situacion, pa e persona local cu a yuda e persona indocumenta, y lo responsabilisanan pa e acto aki.

Por ultimo, Minister Tjon a splica cu actualmente ta trahando riba e parti legislativo, unda cu hunto cu huristanan, ta analisando e ley pa wak con por haci un estadia ilegal na Aruba, uno castigabel pa ley. Pa medio di e medidanan adicional aki, nos como pais Aruba lo por brinda un miho defensa contra e fenomeno aki, di personanan cu kier drenta nos pais na un forma ilegal.

Minister Rocco Tjon:

ARUBA LO HAYA SU PROME DOCTOR FORENSICO DEN CUADRO DI COMBATIMENTO DI ABUSO SEXUAL Y VIOLENCIA RELACIONAL



Diahuebs mainta, durante conferencia di prensa di Gobierno di Aruba, Minister di Husticia y Asuntonan Social Sr. Rocco Tjon a elabora riba un tema sumamente importante pa loke ta trata pasonan concreto den cuadro di combatimento di abuso sexual y violencia relacional. Actualmente, Dr. Vincent Latour ta un “jeugd arts” na departamento di salud publico, y a wordo scogi pa bay specialisa su mes como medico forensico pa Aruba. Su tarea primordial lo ta pa asisti e cadena hudicial den investigacionnan forensico, pa loke ta trata abuso sexual y violencia relacional severo. E importancia di esaki ta cu e lo fortifica investigacionnan penal como tambe e “sporenonderzoek” na momento cu un caso wordo presenta dilanti un huez. Esaki lo percura pa duna un persona un castigo mucho mas halto.

Segun e Mandatario a splica, hopi biaha a trece e importancia di e tematica aki padilanti na tur e stakeholders, kende tambe a comparti cu e investigacion cu ta wordo conduci ta di suma importancia. Pues, cu e paso concreto aki lo bay percura pa e investigacionnan cu ta wordo presenta dilanti un huez ta uno mas solido, cual lo fortifica e fluho di informacion como tambe e cooperacion den ful e cadena. Consecuentemente tambe ta conduci na un miho cooperacion y miho fluho di informacion entre Jeugd en Zeden Politie, Hospital, Directie Voogdijraad, Directie Sociale Zaken, Bureau Sostenemi, Ministerio Publico,

Veiligheidshuis, y algun di e partnernan.

DVG hunto cu Family Justice Center pa hopi tempo a sondea e posibilidadnan pa un medico por haya e opleiding aki, como tal a logra haya Netherlands School of Public and Occupational Health kende tawata dispuesto pa brinda e opleiding aki. A base di esaki, a publica e vacatura den tur medionan di comunicacion, como tambe na Arubahuis, di cual cuater persona a solicita. Di e cuater personanan aki, Dr. Latour tawata e unico cu a cumpli cu tur e rekisitonan pa por a sigui e opleiding aki. Unabes cu a haya e proposicion pa Dr. Latour, conseho di Minister a tuma e decision aki, mirando cu e lo bay cu un tarea di estudio, cual ta hopi importante, pa por garantiza cu ora e caba su estudio e traha pa pais Aruba pa algun aña. Di e forma aki, ta garantiza tambe cu lo tin e profesionalismo y e specialismo aki na Aruba pa e añanan binidero.

Adicionalmente, e Mandatario a enfatiza riba e hecho cu esaki ta un di e tantisimo pasonan cu Gabinete Wever-Croes a tuma caba, pa loke ta trata e tematica aki. Pa duna un ehempel, a aumenta e castigonan maximo, di cual recientemente por a wak e frutonan di esaki, caminda castigonan relativamente halto a wordo duna na esnan cu a comete actonan di abuso sexual. Na mesun momento, a introduci diferente metodonan y procesonan di trabou nobo manera, “Meldcode”; “Signs of Safety” yCodigo di Proteccion. A percura tambe pa certifica tur e zeden chercheursnan y psicologonan den e cadena, pa na momento cu un caso wordo presenta, e huez por ta sigur cu e personanan cu ta conduci e investigacion aki ta cuadra cu normanan y standardnan internacional. Adicionalmente, a busca tur e materialnan nobo pa por ekipa e studio verhoorruimte pa asina garantiza cu pais Aruba ta cumpli cu e normanan y tambe cu e caso cu ta wordo presenta dilanti huez, ta uno solido. Family Justice Center ta organisando diferente cursonan, di cual recientemente a duna un curso pa henter e tereno social y na luna di Mei lo bay tin un curso pa Cuerpo Policial, organisa pa e European Family Justice Alliance.

Por ultimo, Minister Tjon a splica cu dentro di poco, pa prome bes na Aruba, lo bay introduci un recherche psycholoog, e tarea di e psicologo aki ta pa analisa y conseha e departamentonan investigativo pa loke ta declaracionnan cu ta wordo duna door di victamanan y testigonan pa asina na final di dia por conduci un investigacion mucho mas solido.



18 STUDIANTE DI E PROGRAMA 'GRAND TOUR' DI NHL STENDEN HOGESCHOOL A CUMINSA STAGE NA ARUBA




Siman pasa Minister Endy Croes a reuni cu Drs. M.T. Otto vice presidente di e directiva ehecutivo di NHL Stenden y miembro di directiva, Prof. Dr. Oscar Couwenber. E ehecutivonan ta Aruba y a probecha di e oportunidad pa bishita e Mandatario di Enseñansa pa pone na altura di e ultimo desaroyonan di e programa di 'stage' den exterior cu NHL Stenden Hogeschool ta ofrece na su studiantenan. NHL Stenden Hogeschool na Leeuwarden tin diferente campus na entre otro; Hulanda, Bali, Indonesia y Sur Africa. NHL Stenden Hogeschool ta haci tipo di 'grand tour' of stage y nan tin diferente programa unda cu den

e tercer aña di estudio e studiantenan por scoge pa bin haci nan stage na Aruba. E studiantenan por haci nan stage den 10 siman of un semester completo cu ta 20 siman. Alrededor di mil estudiante pa aña ta haci uso di e oportunidad aki y a inclui Aruba den e programa.

E prome 18 studiantenan ta na Aruba y nan a cuminsa cu nan stage den luna di februari cu e mira cu pa september di e aña aki lo bin mucho mas estudiante. 'Nos ta sondeando posibilidadnan pa amplia e programa aki', e Mandatario a expresa.



ENSEÑANSA PA EMPLEO TA GRADICI BUREAU DI MINISTER GLENBERT CROES PA E SOSTEN Y APOYO



ENSEÑANSA PA EMPLEO

Despues dos aña di dificultad pa por ofrece cursonan na pueblo, manera EPE semper tabata conoci p'e den nos comunidad, Diamars ultimo, 1 di maart 2022, nos di EpE ta hopi orguyoso pa por habri e portanan di EpE bek na un forma cu ta accesibel pa tur hende por yega pa keda desaroya su mes manteniendo tarifanan socialisa.

Nos di EpE kier gradici Minister Glenbert Croes y henter team di Aruba Kier Traha y Bureau pa nan cooperacion. Sin e yudansa y sosten di Minister Glenbert Croes nunca nos lo a logra pa habri nos portanan bek asina liher pa esunnan interesa di sigui empodera nan mes mediante e diferente cursonan cu EPE ta ofrece.

En vista cu nos no tin internet ni telefon ainda, un team di Aruba Kier Traha y Bureau di Minister di Labor, Energia & Integracion a duna apoyo na nos di EpE den gran forma. Nos cursistanan cu a logra haya cupo a wordo yama y diamars ultimo e team di IT a instala programanan riba nos computernan.

Esey no tabata facil mirando cu ainda nos no tin internet. Pero e team dinamico a tuma a iniciativa di instala e programanan necesario na Bestuurskantoor pa sigura cu nos cursistanan y pueblo en general lo tin un manera optimal pa inicia cu e diverso cursonan di computerskills cu a inicia 2 di maart

ultimo. Actualmente EPE ta ofreciendo curso di Computer pa beginners y tambe programanan mas specifico manera Excel y Quickbooks.

Nos ta gradici henter comunidad pa e miles di registracion cu EPE a ricibi di interesadonan cu kier sigui desoraya nan mes. Aunke ainda nos no por a duna tur hende cupo den e prome tanda, pronto lo anuncia e di dos periodo pa sigui curso. Esun cu pa e biaha aki no a haya cupo, lo wordo invita pa inscribi y participa prome.

Un biaha mas nos ta gradici Minister Croes, team na bureau y di Aruba Kier Traha y henter comunidad pa semper ta para tras di EpE, duna nos sosten y apoyo pa sigui brinda mas curso posibel.

Pa mas informacion tocante Enseñansa pa Empleo por yama libremente na bureau di Minister na telefon 528.4963 te ora cu logra keda cla cu instalacion telefonico na EPE cu ta pendiente di SETAR pa e trabou cu mester wordo haci. Tambe por sigui nos riba nos pagina di Facebook: Enseñansa pa Empleo.



SINTONISA

CONFERENCIA DI PRENSA DI GOBIERNO DI ARUBA




Gabinete Wever-Croes

Tur dialuna y diahuebs | 10:00 am



BISHITA DI CORTESIA DI MANDY VILLASMIL NA MINISTER BESARIL

Minister Plenipotenciario Guillfred Besaril a ricibi un bishita di cortesía di Mandy Villasmil. Motibo pa e encuentro aki ta cu Mandy Villasmil na maart venidero lo bay participa den e gemeenteraadsverkiezingen/eleccion municipal di Den Haag.

Den e combersacion Mandy a bisa cu su meta ta pa representa e populacion di Caribe Hulandes biba na Den Haag, especialmente e hoben studiantenan. Mandy ta number 8 riba lista di e partido local "CDA Den Haag".

Minister Besaril tin hopi aprecio pa hobennan Arubano cu interes den politica, ta desea Mandy tur clase di exito den su intencion na drenta e conseho municipal di Den Haag y di logra su meta, ta spera cu e lo ta un di motornan pa e municipio keda tene cuenta na tur momento di e pluralismo y multiculturalidad cu e ciudad ta representa na Hulanda.



PITCH EVENT

22.3.22

TRASH 2 CASH

Waste Management Solutions

PLASTIC WASTE

Did you know?
Although by volume, only 15 tons and 6 tons of plastic were received by Parkietenbos in 2019 and 2020 respectively, these figures do not account for all the other plastics that are likely sourced from households, commercial and other activities. Currently, 26.3% of our waste processed and baled at Ecotech is plastic. To understand the magnitude of our use of plastic, before the plastic bag law in 2017, we used to use 30 million of these bags annually – and that's just for one product!




GLASS WASTE

Did you know?
In 2019, 137 tons of glass and fiberglass were received at Parkietenbos, and 50 tons in 2020. Glass used as food-contact materials (jars, bottles, etc.) generally come in 3 colors (clear, green, brown) and can be recycled according to color. Glass exposed to hazardous materials, for example lightbulbs, should be separated from the food-contact material streams.





CONCRETE & DEMOLITION

Did you know?
Although exact figures of concrete or demolition waste is unknown, the largest volume of waste that reaches Parkietenbos comes from the construction sector, equaling 23,423 tons in 2019 and 14,885 tons in 2020. This is likely a mix of different materials including concrete, metals, plastics, glass, etc. used within the industry





METAL WASTE

Did you know?
Metals are a finite natural resource and are highly recyclable. In 2019, 188 tons of varying types of metals were received at Parkietenbos, and 130 tons in 2020. Aruba currently has the expertise and technology to separate metals and ready these for export (to be recycled and reused as new materials).



HAZARDOUS WASTE

Did you know?
Hazardous waste can include several different types and sources, for example paint, used motor oil, used cooking oil, sludge or biohazardous waste from the medical industry. Methods for separating, collecting and processing these vary. Although these are currently incinerated, ongoing innovation in the medical field is focused on finding new ways to reduce waste, for example recycling plastic from surgical waste by sterilization before recycling.



TIRES & RUBBER

Did you know?
In 2019, Parkietenbos received 506 tons of tires, and in 2020 it received 423 tons. We currently have the technology and expertise in Aruba to recycle tires to produce energy.



PALLETS & WOOD

Did you know?
In 2019, the volume of pallet wood and plant-based waste that was received by Parkietenbos was 15,411 tons, and 9,088 tons in 2020. Although we do not have exact figures for the volume of these separately, in the short-term pallet wood can be recycled or incinerated depending on the quality and treatment of the wood.



GARDEN WASTE

Did you know?
In 2019, the volume of pallet wood and plant-based waste that was received by Parkietenbos was 15,411 tons that come from different sources.

If we could separate these, our garden waste could be shredded to produce mulch for the agricultural sector. Composting combined with certain types of food waste could also be an opportunity to eliminate this waste stream to Parkietenbos.



COMPOST



2022 | AÑA DI
INVERSION Y
OPORTUNIDAD

Construi riba bo metanan
y inverti den bo mes y pa bo mes,
ta crea oportunidadnan grandi
pa logra progreso personal
cu lo crea oportunidad pa logra
progreso di bo famia y di bo pais.